



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

Riedel, Adolph Friedrich

Berlin, 1865

LII. Der Rath zu Frankfurt ersucht die Rathmannen zu Berlin und Köln um
eine Tagfahrt nach Müncheberg, zur Berathung wegen des zu Prädikow
erbauten Burgfriedens, um das Jahr 1400.

Nutzungsbedingungen

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

duchtigen Hans von Sliuen vnde Hermann Bardeleuen vnde alle den landen, dy sy mit in den freden getogen hebben, man vnde stede, alz dem hauellande, dem lande tu Rynow, dem lande tu frylag, deme werder tu postamp, dem barnim vnde Teltow, dessen genumeden landen vnde Mannen loue wi greue Vlrik vnde olde Cune van Quiczow ergenumed eynen feligen freden stede vnd vaste tu holden sunder arch tufchen diet vnde allermanne vasten, den dach al vt, vor vns, vnse huffeten man, vor vnse stede vnde lant vnde befundern vor Dyderik von Quitezow vnde gemeynliken vor al die Quitezow vnde vor al er knechte vnde vortmer vor alle dygheyne, dy vmme vnser willen dun vnde laten willen. Des tu tuge hebbe wi vnse ingesegele laten drucken an dessen open briff, Na godes bort vyrteynhundert iar, an sunte Agaten dage der heiligen Junkvruwen.

Nach der gleichzeitigen Abschrift im Berliner Stadt-Archiv No. 1153.

LII. Der Rath zu Frankfurt ersucht die Rathmannen zu Berlin und Köln um eine Tagfahrt nach Müncheberg, zur Berathung wegen des zu Prädifow erbauten Burgfriedens, um das Jahr 1400.

Vnser fruntligin willigen dinst, lywen frunde. Als gy vns von Czenkers wegin, als vmme dat gebuwe tu predeko hebbin geschrewen, wat vns dar an tu synnen is, dat he vor der lande beste wat buwet vnd den landen meynet keyn schaden dar aff tu dunde, dat moge wie wol suluen dirkennen. Lywen frunde, gy dirkennen dat ok wol, dat mer flote vund feltin syn gebuwet yn den lande, wen dem lande gud is. Ok is desin landin von den alden forsten vorbriffet, dat man keyne berchfredin ader flote sal buwen, das sy denne met vnser herschaft vnd der lande willen vnd fulbort. Darvmme, lywin frunde, muchte gy als morgen owir achte dage keyn vns komen tu Monkeberch vormiddage; dar hebbe wy dy van Bernawe vnd von der Nigenstad ok tu vorbodit; so wolde wir mit den andir von der sachim redin. Was wir denne dirkende, das den landen nutze vnd beqweme were, darnach muchte wir das bestellen. Gebin am sunabende vor Marie magdalenen dage. Biddin eyn entworde.

Answärts:

Den ersamen wisen Borgermeistern vnd ratheren der Stadt Berlin
vnd Coln, vnser gunstigen frunden.

Nach dem Orig. des Berliner Stadt-Archives No. 1151.